

«ҚАЗАҚСТАН РЕСПУБЛИКАСЫ ӘДІЛЕТ МИНИСТРЛІГІ АТЫРАУ ОБЛЫСЫ
ӘДІЛЕТ ДЕПАРТАМЕНТІ» РЕСПУБЛИКАЛЫҚ МЕМЛЕКЕТТІК МЕКЕМЕСІ

ЖЕКЕ КӘСІПКЕРЛІК СУБЪЕКТІСІНЕ ЖАТПАЙТЫН ЗАҢДЫ ТҰЛҒАНЫ,
СОНДАЙ-АҚ АКЦИОНЕРЛІК ҚОҒАМНЫҢ ҚҰРЫЛТАЙ ҚҰЖАТТАРЫНА,
ОЛАРДЫҢ ФИЛИАЛДАРЫ (ӨКІЛДІКТЕРІ) ТУРАЛЫ ЕРЕЖЕЛЕРГЕ ЕНГІЗІЛГЕН
ӨЗГЕРІСТЕР МЕН ТОЛЫҚТЫРУЛАРДЫ МЕМЛЕКЕТТІК ТІРКЕУІ

2023 ж. 07 09 жүргізілді

Алғашқы мемлекеттік тіркеу 2009 ж. 18 03 жүргізілді

Тіркеу нөмірі 1467-1915-01-ММ

Бизнес-сәйкестендіру нөмірі (БСН) 090340012466

Қазақстан Республикасының
Экология және табиғи ресурстар
министрлігінің

Орман шаруашылығы және
жануарлар дүниесі комитеті
төрағасының м.а.

2023 жылғы «23» тамызда

№ 27-4/179 МҚ

бұйрығымен бекітілген

№ 5 қосымшасы

**«Қазақстан Республикасы Экология және табиғи ресурстар министрлігінің
Орман шаруашылығы және жануарлар дүниесі комитетінің
Ақжайық мемлекеттік табиғи резерваты»
республикалық мемлекеттік мекемесі туралы
ереже**

1-тарау. Жалпы ережелер

1. Қазақстан Республикасы Экология және табиғи ресурстар министрлігі Орман шаруашылығы және жануарлар дүниесі комитетінің «Ақжайық» мемлекеттік табиғи резерваты» республикалық мемлекеттік мекемесі (бұдан әрі – Мекеме) – табиғи кешендердің, сулы батпақты алқаптардың биологиялық әртүрлілігі және олармен байланысты табиғи және тарихи-мәдени объектілерді күзету, қорғау, қалпына келтіру және сақтау функцияларын жүзеге асыру үшін мекеменің ұйымдық-құқықтық нысанында құрылған табиғатты қорғау және ғылыми мекеме (заңды тұлға) мәртебесіне ие коммерциялық емес ұйым болып табылады.

2. Мекеме түрі - Республикалық мемлекеттік мекеме.

3. Мекеме «Қазақстан Республикасы Ауыл шаруашылығы министрлігі Орман және аңшылық шаруашылығы комитетінің "Ақжайық" мемлекеттік табиғи резерваты" мемлекеттік мекемесін құрудың кейбір мәселелері туралы» Қазақстан Республикасы Үкіметінің 2009 жылғы 6 ақпандағы №119 қаулысына сәйкес құрылды.

4. Мекеменің құрылтайшысы Қазақстан Республикасының Үкіметі болып табылады.

5. Мекеменің мемлекеттік басқару органы, сондай-ақ оған қатысты Мекеменің мүлкіне қатысты құқық субъектісінің функцияларын жүзеге асыратын орган «Қазақстан Республикасы Экология және табиғи ресурстар министрлігі Орман шаруашылығы және жануарлар дүниесі комитеті» (бұдан әрі - Уәкілетті орган) болып табылады.

6. Мекеменің толық атауы: мемлекеттік тілде:

«Қазақстан Республикасы Экология және табиғи ресурстар министрлігі Орман шаруашылығы және жануарлар дүниесі комитетінің Ақжайық мемлекеттік табиғи резерваты республикалық мемлекеттік мекемесі»;

орыс тілінде: Республиканское государственное учреждение «Государственный природный резерват Акжайык Комитета лесного хозяйства и животного мира Министерство экологий и природных ресурсов Республики Казахстан».

7. Мекеменің орналасқан жері: Қазақстан Республикасы, Атырау қаласы, З. Кабдолов даңғылы, құрылыс 25.

2-тарау. Мекеменің заңдық мәртебесі

8. Мекеме мемлекеттік тіркеуден өткен сәттен бастап құрылған болып есептеледі және заңды тұлға құқығына ие болады.

9. Мекеменің Қазақстан Республикасының заңнамасына сәйкес, дербес теңгерімі, банктерде шоттары, Қазақстан Республикасының Мемлекеттік Елтаңбасы бейнеленген мөрлер, мөртабандар, бланкілер және өзге сәйкестендіру құралдары мекеменің атауымен бар.

10. Мекеменің дербес рәміздері бар (ту, эмблема) және өз рәміздерін пайдалануға, оған жарнамалық және өзге де мақсаттарда билік етуге айрықша құқығы бар.

11. Мекеменің уәкілетті органмен тіркелген белгіленген үлгідегі төлқұжаты бар.

12. Мекеме басқа заңды тұлғаны құра алмайды, сондай-ақ оның құрылтайшысы (қатысушысы) бола алмайды.

13. Мекеме өзінің міндеттемелері бойынша өзінің иелігіндегі қаражатқа жауап береді. Мекемеде қаражаттың жеткіліксіздігі болған жағдайда, оның міндеттемелері бойынша Қазақстан Республикасы заңнамаға сәйкес субсидиарлық жауаптылықта болады.

14. Мекеме жасасатын азаматтық-құқықтық мәмілелер Қазақстан Республикасы Қаржы министрлігінің аумақтық қазынашылық бөлімшелерінде міндетті түрде тіркелгеннен кейін күшіне енеді.

3-тарау. Мекеме қызметінің мәні мен мақсаттары

15. Мекеме қызметінің мәні биологиялық және ландшафтық әртүрлілікті сақтау, табиғатты қорғау мақсатта ерекше экологиялық, ғылыми, тарихи - мәдени және рекреациялық құндылығы бар бірегей табиғи кешендер мен мемлекеттік табиғи - қорық қорының объектілерін, экологиялық, ағартушылық, ғылыми, туристік және рекреациялық пайдалану болып табылады.

16. Мекеме қызметінің мақсаты:

1) экожүйелердің, эталондық және бірегей табиғи кешендер мен объектілердің, тарихи-мәдени ескерткіштерінің және ерекше экологиялық, рекреациялық және ғылыми құндылықтары бар объектілерінің тұтастығын сақтау;

2) Мекеме аумағының және оның күзет аймағын, Қазақстан Республикасының Қызыл кітабына енгізілген өсімдік және жануарлар дүниесі түрлерін қорғау тәртібін қамтамасыз ету, Мекеменің аумағын ғылымды, мәдениетті дамыту, ағартушылық және біліми мақсаттарда мақсатты және тиімді пайдалану;

3) халыққа экологиялық ағартуды ұйымдастыру;

4) табиғи үдерістердің дамуын табиғи қалыпта зерттеу, биологиялық әртүрлікті, флора мен фаунаның генетикалық қорын сақтаудың және экологиялық мониторингті жүргізудің ғылыми әдістерін өңдеу;

5) ғылыми ұсынымдар негізінде және уәкілетті органмен келісім бойынша бұзылған табиғи және тарихи-мәдени кешендер мен объектілерді қалпына келтіру;

6) Мекеменің аумағын және оның күзет аймағын экологиялық-ағарту және ғылыми мақсаттарда пайдалану;

7) реттелетін экологиялық туризмді, рекреацияны және шектеулі шаруашылық қызметін осы мақсаттар үшін белгіленген аймақтарда ұйымдастыру және жүзеге асыру болып табылады.

Мекеменің ережесінде бекітілген оның қызметінің мәні мен мақсаттарына сай келмейтін қызметті жүзеге асыруына, сондай-ақ, мәмілелер жасауына тыйым салынады.

17. Мекеме өз құзыреті шегінде заңнамамен белгіленген тәртіпте келесі негізгі қызмет түрлерін жүзеге асырады:

1) биологиялық әртүрлілікті, бірегей табиғи және тарихи-мәдени кешендер мен объектілерді сақтау, зерделеу және қалпына келтіру, мекеме аумағында табиғи ресурстарды тұрақты және теңгерімді пайдалануды қамтамасыз ету;

2) Мекемені басқару жоспарын әзірлеу және қатысу, мемлекеттік табиғи-қорық қорын, тарихи-мәдени кешендер мен объектілерді қорғау, қалпына келтіру және пайдалану мәселелері бойынша бағдарламаларды әзірлеуге және орындауға қатысу;

3) Мекеме аумағында және оның күзет аймағында ерекше қорғалатын табиғи аумақтар, жануарлар дүниесін қорғау, өсімін молайту, пайдалану және орман шаруашылығы саласындағы заңнама талаптарын сақтау бойынша тексерулерді жүзеге асыру;

4) халықты экологиялық ағарту және ақпараттандыру саласында, оның ішінде «Саябақ шеруі» өткізу, мектеп орманшылықтарын ұйымдастыру, басқа да тақырыптық табиғат қорғау іс - шараларын, бейне және баспа өнімдерін шығару бойынша шараларды жүзеге асыру;

5) мекеме аумағында, оның ішінде бөгде ғылыми ұйымдар мен мамандарды тарта отырып, ғылыми зерттеулер жүргізу;

6) «Табиғат жылнамасы» бағдарламасы бойынша экологиялық мониторинг жүргізу, орман қоры мен жануарлар дүниесінің мемлекеттік есебін жүргізуге, ормандардың мониторингін, мемлекеттік орман кадастрын, сирек

кездесетін және жойылып кету қаупі төнген жануарлар мен өсімдіктер дүниесінің түрлерін есепке алу мен кадастрын жүргізуге қатысу;

7) ормандарды, жануарлар дүниесін, табиғи-қорық қорының басқа да объектілерін күзетуді, қорғауды, қалпына келтіруді қамтамасыз ету;

8) мемлекеттік табиғи қорық қорын қалпына келтіру жөніндегі жұмыстарды, ерекше қорғалатын табиғи аумақтың экологиялық жүйелеріне зиянды әсерлердің алдын алу және оларды жою жөніндегі қорғау іс-шараларын орындау;

9) экологиялық-ағарту, туристік, рекреациялық және шектеулі шаруашылық мақсаттарда пайдалану, оның ішінде жұмыр ағаш материалдарын кесу, құрылыс бұйымдарын, кәдесый өнімдерін өндіру, құрылыс және монтаж жұмыстары бойынша Мекеме аумағын және күзету аймағын пайдалануды реттеу;

10) Мекеме қызметінің мәселелері бойынша табиғатты қорғау, ғылыми және қоғамдық ұйымдармен ынтымақтастық және өзара іс-қимыл;

11) ерекше қорғалатын табиғи аумақтар және биологиялық әртүрлілікті сақтау саласындағы халықаралық ынтымақтастыққа қатысу.

18. Мекеме өз құзыреті шегінде заңнамада белгіленген тәртіппен негізгі қызмет түріне жатпайтын келесі қызмет түрлерін жүзеге асырады:

1) жеке және заңды тұлғаларға табиғи кешендерді туристік және рекреациялық мақсаттарда пайдалану кезінде, ақылы қызметтер көрсету оның ішінде:

балық және екпе материалдарын тәлімбақта өсіру және орман тұқымдарын жинау, абаттандыру, қорғаныш екпелерін және басқа да екпелер жасау, ерекше қорғалатын табиғи аумақтар, жануарлар дүниесін қорғау, өсімін молайту, пайдалану және орман шаруашылығы саласында консультациялық-техникалық көмек көрсету, оқу практикасын өткізу, оның ішінде мемлекеттік сатып алу конкурстарына қатысу арқылы;

туристік соқпақтарды, қарау алаңдарын, демалу алаңшаларын, көлікке арналған тұрақтарды, кемпингтерді, шатырлы лагерлерді немесе оларды орналастыруға арналған орындарды; ерекше қорғалатын табиғи аумақтардың басқаруындағы қонақ үйлерді, мотельдерді, туристік базаларды, қоғамдық тамақтандыру, сауда және басқа да мәдени-тұрмыстық мақсаттағы объектілерді немесе оларды орналастыруға арналған орындарды ұсыну; ерекше қорғалатын табиғи аумақта құбырларды, электр беру және байланыс желілерін, жолдарды (жалпы пайдаланудағы жолдардан басқа) орналастыру жөніндегі қызметтерді; туристік мүкәммалды;

әуесқойлық (спорттық) балық аулауды жүргізу;

мемлекеттік табиғи-қорық қорына, табиғи және тарихи - мәдени мұра объектілеріне, табиғат мұражайларына және тірі бұрыштарға бару, кино-, бейне, фототүсірілімдер өткізу және зерделеу кезінде жолсеріктер, экскурсоводтар, гидтер және аудармашылар қызметтерін көрсету;

пайдалануға берілген аумақтар мен объектілерді санитарлық тазалау және абаттандыру бойынша, сондай-ақ басқа ұйымдардың аумақтарын абаттандыру

және көгалдандыру бойынша жұмыстарды жүргізу бойынша қызметтер көрсету;

қоғамдық тамақтану объектілері үшін өнім өндіру бойынша қызмет көрсету;

көлік қызметтерін, сондай-ақ жегілген малды және мініс малын уақытша иеленуге және пайдалануға беру жөніндегі көрсетілетін қызметтерді ұсыну;

2) шектеулі шаруашылық қызмет іске асыру, оның ішінде:

кәдесый өнімдерін өндіру;

аралық мақсатта пайдалану үшін ағаш кесуден және өзге де мақсатта ағаш кесуден тауарларды, олардан алынған сүректі қайта өңдеу өнімдерін өткізу;

жанама орман пайдалану өнімдерін сату (шектеулі мал жаю, марал шаруашылығы, шөп шабу, саңырауқұлақтарды, жемістер мен жидектерді жинау);

балық және екпе материалдарын тәлімбақта өсіру және сату, орман дақылдарын, қорғаныштық және көгалдандыру екпелерін құру;

шектеулі шаруашылық қызмет тауарларын сату, оның ішінде қосалқы шаруашылық жүргізу есебінен;

туристік, рекреациялық және шектеулі шаруашылық мақсаттарда жеке және заңды тұлғалармен жасалатын бірлескен қызмет туралы шарттар бойынша өнімдер өндіру және қызметтер көрсету;

балық және балық өнімдерін сату;

ормандарды молықтыру және елді мекендерді көгалдандыру үшін екпе материалдарын өсіру;

19. Қызметтің негізгі түрлерін іске асыру және мақсаттарды жүзеге асыру үшін Мекеме өзінің құзыреті шегінде белгіленген заңнамалық тәртіпте келесіге құқығы бар:

1) ерекше қорғалатын табиғи аумақтарда жүрген адамдардан осында болу құқығына берілген рұқсатты тексеруге;

2) ерекше қорғалатын табиғи аумақтар, жануарлар дүниесін қорғау, өсімін молайту, пайдалану және орман шаруашылығы саласындағы Қазақстан Республикасы заңнамасының талаптарын сақтау үшін бақылау жүргізу мақсатында табиғатты қорғау мекемесінің аумағында және оның күзет аймағында орналасқан жеке және заңды тұлғалардың объектілеріне баруға;

3) ерекше қорғалатын табиғи аумақтар, жануарлар дүниесін қорғау, өсімін молайту, пайдалану және орман шаруашылығы саласындағы Қазақстан Республикасы заңнамасының талаптары бұзылғаны анықталған кезде жеке және заңды тұлғалардың қызметін тоқтата тұруға;

4) ерекше қорғалатын табиғи аумақтар, жануарлар дүниесін қорғау, өсімін молайту, пайдалану және орман шаруашылығы саласындағы Қазақстан Республикасы заңнамасының талаптары бұзылғаны анықталған кезде жеке және заңды тұлғалардың қызметін тоқтата тұру немесе тыйым салу туралы сотқа талап арыз беруге;

5) ерекше қорғалатын табиғи аумақтар, жануарлар дүниесін қорғау, өсімін молайту, пайдалану және орман шаруашылығы саласындағы Қазақстан Республикасы заңнамасының талаптары бұзылғаны нәтижесінде келтірілген залалдың көлемін анықтау, осының негізінде кінәлі тұлғаларға осы залалды ерікті түрде өтеуге, не сотқа талап қоюға;

6) ерекше қорғалатын табиғи аумақтар, жануарлар дүниесін қорғау, өсімін молайту, пайдалану және орман шаруашылығы саласындағы Қазақстан Республикасы заңнамасының талаптары бұзылғаны анықталған жағдайда шаралар қабылдау үшін мемлекеттік инспекторлардың актілерін әзірлеу және сәйкес келетін мемлекеттік органдарға материалдар жіберуге;

7) ерекше қорғалатын табиғи аумақтар, жануарлар дүниесін қорғау, өсімін молайту, пайдалану және орман шаруашылығы саласындағы Қазақстан Республикасы заңнамасының талаптарын бұзған тұлғаларды ұстау және құқық қорғау органдарына жеткізуге;

8) ерекше қорғалатын табиғи аумақтарда және күзету аймақтарында транспорттық және жүзу құралдарын тоқтатып, тексеруге;

9) ерекше қорғалатын табиғи аумақтар, жануарлар дүниесін қорғау, өсімін молайту, пайдалану және орман шаруашылығы саласындағы Қазақстан Республикасы заңнамасының талаптарын бұзған жеке және заңды тұлғалардан Қазақстан Республикасының заңнамасында белгіленген тәртіппен ату қаруын, заңсыз өндірілген өнімді және оны аулаған құралдарын, көлік және жүзу құралдарын алып қоюға;

10) Қазақстан Республикасының заңнамасында белгіленген тәртіппен арнайы құралдарды және қызметтік қаруды сақтауға, ұстауға және қолдануға;

11) Қазақстан Республикасының заңнамасында белгіленген тәртіппен айырым белгісі бар (погонсыз) формалы киімді киюге.

20. Мекеменің Қазақстан Республикасының заңдарында немесе құрылтай құжаттарында белгілі бір шектеулі қызмет мақсаттарына қайшы не Бас директорының осы Ережемен белгілеген құзыретін бұза отырып, жасаған мәмілесі уәкілетті органның немесе Мемлекеттік мүлік жөніндегі уәкілетті органның не прокурордың талабы бойынша жарамсыз деп танылуы мүмкін.

21. Мекеменің ережесінең тыс қызметін жүзеге асыруға бағытталған мекеменің Бас директорының іс-әрекеті еңбек міндеттерін бұзу болып табылады және тәртіптік, материалдық жауапкершілік шараларын қолдануға әкел соғады.

4-тарау. Мекемені басқару

22. Мекемемен жалпы басқаруды уәкілетті орган жүзеге асырады.

23. Уәкілетті орган Қазақстан Республикасының заңнамасында белгіленген тәртіпте келесі функцияларды жүзеге асырады:

1) Мекемеге мүлікті бекітеді;

2) Мекемені ұстауға міндеттемелер мен төлемдер бойынша қаржыландырудың жоспарын бекітеді;

3) Мекемеге бекітілген мүліктің сақталуына және мекеменің даму жоспарларының орындалуына талдау жасайды және бақылауды жүзеге асырады;

4) Мемлекеттік мүлік жөніндегі уәкілетті органға мекемеге берілген немесе ол өзінің шаруашылық қызметінің нәтижесінде сатып алған мүлікті алып қоюға немесе қайта бөлуге келісім береді;

5) Мекеменің Ережесін бекітеді, оған өзгерістер мен толықтырулар енгізеді;

6) Мекеменің басқару жоспарын бекітеді;

7) Мекеменің жылдық қаржылық есебін бекітеді;

8) Мекеменің басқару органдарының құрылымын, қалыптасу тәртібін және өкілеттік мерзімін, мекеменің шешім қабылдау тәртібін анықтайды;

9) Мекеменің құрылымы мен шекті штат санын бекітуге келісім береді;

10) Министрліктің келісімімен Мекеменің Бас директорын және оның орынбасарларын қызметке тағайындайды және қызметтен босатады;

11) Мекеменің Бас директорының құқықтарын, міндеттерін және жауапкершілігін, атқаратын қызметінен босату негіздерін анықтайды;

12) Мекеменің филиалдары мен өкілдіктерінің құрылуына келісім береді;

13) Қазақстан Республикасының заңнамасында белгіленген тәртіпте өзге функцияларды жүзеге асырады.

24. «Қазақстан Республикасының Экология және табиғи ресурстар министрлігінің Орман шаруашылығы және жануарлар дүниесі комитетінің Атырау облыстық орман шаруашылығы және жануарлар дүниесі аумақтық инспекциясы» республикалық мемлекеттік мекемесі уәкілетті органмен белгіленген тәртіпте құзыреті шегінде мекеменің қызметін бақылап, қадағалауын жүзеге асырады.

25. Мекеменің Бас директоры Мекеменің жұмысына басшылық жасайды, ұйымдастырады және тікелей уәкілетті органға бағынып, Мекемеге жүктелген міндеттерді орындауға және өзінің қызметінің негізгі түрлерін жүзеге асыруға дербес жауапты.

Мекемеде ғылыми-техникалық кеңес, басқа ұйымдар мен жұртшылық өкілдерінің қатысуымен басқа да консультативтік органдар құрылады, олар туралы ережелерді және олардың құрамын Бас директор бекітеді.

26. Мекеменің Бас директоры Қазақстан Республикасының заңнамасымен және осы Ережемен анықталатын өз құзыретіне сәйкес Мекеме қызметінің мәселелерін дербес шешеді.

27. Қазақстан Республикасының заңнамасында белгіленген тәртіпте Мекеменің Бас директоры қызметін төмендегідей жүзеге асырады:

1) сенімхатсыз Мекеме атынан әрекет етеді және барлық ұйымдарда мекеме мүддесін білдіреді;

2) Қазақстан Республикасының заңнамасымен белгіленген шекте мекеме мүлкіне иелік етеді;

- 3) келісім-шарттар жасасады және өзге де мәмілелер жасайды;
- 4) сенімхаттар береді;
- 5) банк шоттарын ашады;
- 6) Мекеменің барлық қызметкерлері үшін міндетті бұйрықтар, нұсқаулықтар, өкімдер мен нұсқаулар шығарады;
- 7) өз орынбасарларының және Мекеменің өзге де қызметкерлерінің лауазымдық міндеттері мен өкілеттік шеңберін анықтайды;
- 8) филиалдар директорларын және олардың орынбасарларын қызметке тағайындайды және қызметтен босатады;
- 9) Мекеменің филиалдары мен өкілдіктері туралы ережелерді бекітеді;
- 10) Мекеменің ішкі еңбек тәртібі қағидаларын бекітеді;
- 11) Қазақстан Республикасының Еңбек кодексіне сәйкес уәкілетті органмен тағайындалатындардан басқа, мекеме қызметкерлерін жұмысқа қабылдайды және жұмыстан босатады;
- 12) жекелеген жұмыс түрлерін орындауға уақытша және маусымдық жұмысшылармен еңбек шартын жасайды;
- 13) егер Қазақстан Республикасының заңнамасында және осы Ережеде өзгеше көзделмесе, Мекеме қызметкерлеріне көтермелеу шараларын қолданады және тәртіптік жаза қолданады;
- 14) өз құзыреті шегінде Мекемеде сыбайлас жемқорлық құқық бұзушылықтарға қарсы күрес жөніндегі жұмысты ұйымдастырады және осы жұмыстың жай-күйіне дербес жауап береді;
- 15) Мекеменің құрылымы мен шекті штат санын бекітеді;
- 16) Қазақстан Республикасының заңнамасында көзделген өзге де функцияларды жүзеге асырады.

5-тарау. Мекеменің мүлкін құру және қызметін қаржыландыру тәртібі

28. Мекеменің мүлкі оған мемлекет берген мүлік есебінен қалыптасады және құны мекеменің балансында көрсетіледі.

29. Мекеменің мүлкі жедел басқару құқығында оған тиесілі және республикалық меншікке жатады.

30. Мекеме өз бетінше иеліктен шығаруға немесе оған бекітілген және смета бойынша бөлінген қаражаттар есебінен сатып алынған мүлікке билік етуге құқығы жоқ.

31. Мекемені қаржыландыру:

бюджеттің қаражаттары есебінен;

Қазақстан Республикасының заңнамасына сәйкес келесі қызметтерді көрсетуден жиналған қаражаттар есебінен:

1) жеке және заңды тұлғалар табиғи кешендерді туристік және рекреациялық мақсаттарда пайдалануы кезінде оларға ақылы қызметтер көрсету, соның ішінде:

туристік соқпақтар, тамашалау алаңдарын, демалу алаңқайларын, көлік тұрақтарын, кемпингтер, шатырлы лагерьлер немесе оларды орналастыратын орындар;

қонақ үйлер, мотельдер, туристік базалар, қоғамдық тамақтандыру, сауда және ерекше қорғалатын табиғи аумақтардың басқаруындағы басқа да мәдени-тұрмыстық мақсаттағы объектілер немесе оларды орналастыратын орындар беру;

ерекше қорғалатын табиғи аумақта құбырлар, электр қуатын беру және байланыс желілерін, жолдарды салу және орналастыру жөнінде қызметтер көрсету;

туристік құрал-жабдықтар беру;

эвескойлық (спорттық) балық аулауды жүргізу;

мемлекеттік табиғи-қорық қоры, табиғи және тарихи-мәдени мұра объектілерінде, табиғат мұражайларында және жанды табиғат мүйістерінде болу және оларды зерделеу кезінде жолсеріктер, экскурсия ұйымдастырушылар, жол нұсқаушылар мен аудармашылар қызметтерін көрсету, кино, бейне және фото таспаларына түсіру;

пайдалануға берілген аумақтар мен объектілерді санитарлық тазарту және абаттандыру жөнінде, сондай-ақ өзге де ұйымдардың аумақтарын абаттандыру және көгалдандыру бойынша жұмыстар жүргізу жөнінде қызметтер;

қоғамдық тамақтандыру объектілері үшін өнім өндіру жөнінде қызметтер;

көлік қызметтерін, сондай-ақ жегілген малды және мініс малын уақытша иеленуге және пайдалануға беру жөніндегі көрсетілетін қызметтерді ұсыну;

2) шектеулі шаруашылық қызметінен, соның ішінде:

кадесый өнімдерін өндіруден;

аралық мақсатта пайдалану және басқа да мақсаттарда кесілген ағаштан жасалған тауарларды, олардан алынған сүректі өңдеу өнімдерін өткізуден;

жанама орман пайдаланудың өнімдерін өткізуден (шектеулі мал жаю, марал шаруашылығы, шөп шабу, саңырауқұлақтарды, жемістер мен жидектерді эвескойлық жинау, бақ шаруашылығы);

ормандарды молайту және елді мекендерді көгалдандыру үшін көшет материалын өсіруден түсетін табыстар;

шектеулі шаруашылық қызмет тауарларын өткізуден, балық және балық өнімдерін өткізуден, орман дақылдарын, қорғаныштық және жасыл екпелерді жасудан түсетін кірістер;

балық шабақтарын өсіруден;

жеке және заңды тұлғалармен туристік, рекреациялық және шектеулі шаруашылық мақсаттарда жасалатын бірлескен қызмет туралы шарттар бойынша өнім өндіруден және қызмет көрсетуден алынған табыстар;

орман тұқымдарын жинаудан (қайта өңдеуден);

рәміздерді (эмблема мен туды) пайдаланғаны үшін төленетін ақы;

баспа, кадесый және басқа да көбейтілген өнім өндіруден алынған табыстар;

жеке және заңды тұлғалардың ерікті жарналары мен қайырымалдықтары;

гранттардан, ерекше қорғалатын табиғи аумақтарды дамыту қорларының қаражатынан;

Қазақстан Республикасының заңнамасына сәйкес ерекше қорғалатын табиғи аумақтарға және мемлекеттік табиғи-қорықтық қор объектілеріне залал келтірген жеке және заңды тұлғалардан түсетін түсімдер есебінен құралады;

жеке және заңды тұлғалардың қайырмалдықтары, ерікті жарналары, оның ішінде өздері шаруашылық және өзге де қызметті жүргізу кезінде мемлекеттік табиғи-қорық қорының объектілеріне келтірілетін және (немесе) болмай қоймайтын зиян үшін жасайтын қайырмалдықтары, ерікті жарналары есебінен жүргізіледі;

туристік және рекреациялық мақсаттағы объектілерден төлемақы алу; зейнеткерлерден, мүгедектігі бар адамдардан, Ұлы Отан соғысының ардагерлерінен, басқа мемлекеттердің аумағындағы ұрыс қимылдарының ардагерлерінен, жеңілдіктер бойынша Ұлы Отан соғысының ардагерлеріне теңестірілген ардагерлерден, еңбек ардагерлерінен, мектеп жасына дейінгі балалардан алынатын төлемақыны қоспағанда, туристерден төлемақы алу;

автомобиль көлік құралының табиғат қорғау мекемелерінің аумағына кіргені үшін төлемақы алу есебінен де қалыптастырылады.

32. Мекеме қызмет түрлерінен табыс табу мақсатында мемлекеттік сатып алу бойынша конкурстарға қатыса алады.

33. Мекеме бухгалтерлік есеп жүргізеді және тоқсандық, жылдық бухгалтерлік есептерді, жедел және статистикалық есептілікті ұсынады.

34. Мекеменің қаржы - шаруашылық қызметін тексеру және тексеру заңнамала белгіленген тәртіппен жүзеге асырылады;

35. Егер Қазақстан Республикасының заңдарымен мемлекеттік мекемеге кіріс әкелетін қызметті жүзеге асыру құқығы берілсе, онда «Мемлекеттік мүлік туралы» Қазақстан Республикасының Заңының 161-бабының 2-тармағында көзделген салаларында мемлекеттік мекемелер өндіретін тауарларды (жұмыстарды, көрсетілетін қызметтерді) өткізуден түсетін ақшаны қоспағанда, мұндай қызметтен алынған ақша тиісті бюджеттің есебіне жатқызылады

6-тарау. Мекемеде жұмыс істеу тәртібі

36. Мекемеде жұмыс тәртібі Қазақстан Республикасының еңбек заңнамасымен реттеледі.

7-тарау. Құрылтай құжаттарына өзгерістер мен толықтырулар енгізу тәртібі

37. Мекеменің құрылтай құжаттарына өзгерістер мен толықтырулар енгізу тиісті саланың уәкілетті органының шешімі бойынша жүзеге асырылады, және "Заңды тұлғаларды мемлекеттік тіркеу және филиалдар мен өкілдіктерді

есептік тіркеу туралы" Қазақстан Республикасының Заңына сәйкес аймақты тіркеу органдарында тіркеледі.

8-тарау. Мекемені қайта ұйымдастыру және тарату шарттары

38. Мекемені қайта ұйымдастыру және тарату Қазақстан Республикасы Үкіметінің шешімі бойынша жүргізіледі.


39. Мекеме, заңнамалық актілермен басқа да негіздер бойынша таратылуы мүмкін.

40. Егер Қазақстан Республикасының заңдарында өзгеше белгіленбесе, Мекемені қайта ұйымдастыруды және таратуды мемлекеттік мүлік жөніндегі уәкілетті органның келісімі бойынша тиісті саланың уәкілетті органы жүзеге асыраты.

41. Кредит берушілердің талаптарын қанағаттандырғаннан кейін қалған таратылған Мекеменің мүлкін мемлекеттік мүлік жөніндегі уәкілетті орган қайта бөледі.

42. Таратылған Мекеменің мүлкін өткізу нәтижесінде алынған қаржы қоса алғанда, осы Мекеменің кредиторлардың талаптары қанағаттандырылғаннан кейін қалған ақшасы тиісті бюджет кірісінің есебіне жатқызылады.

Бас директор



(Т.А.Ө.)



(қолы)

Тігілген, нөмірленген
және мөрленген

ҚАЗАҚСТАН РЕСПУБЛИКАСЫ
ӘДІЛІТ МИНИСТРЛІГІ
АТЫРАУ ОБЛАСТЫҚ ӘДІЛІТ ДЕПАРТАМЕНТІ
НОМАРЛАДЫҒЫН, ТІГІЛГЕН ЖӘНЕ
МӨР БАСОЛЫҒАН
ҚАРҒЫҒЫ 22
07.09.2023 ж.

22 беттік
АДЫРАУ РЕСПУБЛИКАСЫ
ЭКОЛОГИЯ ЖӘНЕ ТАБИғИ
РЕСУРСАР МИНИСТРЛІГІ
ОРМАН ШАРУАШЫЛЫҒЫ ЖӘНЕ
ЖАЛУАРЛАР ДУНИЕСІ КОМИТЕТІ
СПЕЦИАЛДЫҚ МЕМЛЕКЕТТІК МЕКЕМЕСІ
010000, Астана қаласы

[Handwritten signature]